

中西醫學

羣書

國粹部

第一集

光緒三十三年歲次丁未花朝日第一版

全部價洋壹元五角

彙輯者 邃志廬陳氏

校對者 南洋醫學社

印刷所 商業圖書館

經理發行 上海六藝書局

分銷處 漢口六藝書局

觀聖集

序

先伯祖梅臞公曾從名師講授得醫中三昧年八十餘猶讀書不倦然生平不肯輕於應世嘗訓予曰汝曹讀書須知醫理醫者所以衛生而司命也不可不知亦不可輕試遂識之而不敢忘予自弱冠卽好誦方書以質鈍未能深造其詣比年來親朋故舊以予稍知病情藥性強予就診應酬日繁但一知半解豈可漫焉從事益自愧而自懼也予將有遠游之志因作醫話三卷皆輯前人之緒論不敢擅自創作或亦曾經手試而一效者至於文不雅馴言無足取則待有道者之教我

嘉慶八年五月下浣客廬子計楠自序於一隅草堂

原序

夫顓頊者謂天地陰陽化感顓頊故受名也嘗覽黃
帝內傳王母金文始演四序二儀陰陽之術三才一
元之道採御靈機黃帝得之昇天秘藏金匱名曰內
經百姓莫可見之後穆王賢士師巫於崆峒山得而
釋之敘天地大德陰陽化功父母交和中成胎質爰
自精凝血室兒感陽興血入精宮女隨陰住故以清
氣降而陽谷生濁氣升而陰井盛也甚者二儀互換
五氣相參日覩元機非賢莫達謂真陰錯雜使精血
聚而成殃陽發異端感榮衛合而有疾遂使嬰兒纔

養驚候多生庸愚不測始末亂施攻療便致枉損嬰
兒吁哉吁哉遂究古言尋察端由敘成疾目曰顱顙
經焉真憑辨證乃定死生後學之流審依濟疾天和
太清降乘赤海真一元氣乘之則母情先搖蕩漾悵
然是陽盛發陰當妊男也六脈諸經皆舉其陽證所
謂妊衰不勝藏氣則觸忤而便傷妊勝而氣劣則母
疾三五月而發皆隨五藏心藏乾而口苦舌乾肺藏
竭而多涕發寒肝藏邪而嗜酸多睡脾藏發而嘔逆
惡食腎藏困而軟弱無力藏妊氣平則和而無苦胎
若劣而強得藏養至生亦乃多疾二儀純陰之證昇

雜真一者謂陰發陽則父精薄妊當成女也六脈諸經皆發陰證若血盛氣衰則肥而劣氣若氣盛血衰則瘦而壯氣餘藏妊之氣皆同男說孩子處母腹之內時受化和之正氣分陰陽之紀綱天地降靈十月而化萬物以生成隨其時變大理清純化成祥瑞之基全真道一故生成焉一月爲胚精血凝也二月爲胎形兆分也三月陽神爲三魂動以生也四月陰靈爲七魄靜鎮形也五月五行分藏安神也六月六律定腑滋靈也七月精開竅通光明也八月元神俱降真靈也九月宮室羅布以生人也十月氣足萬物成

也太乙元真在頭曰泥丸總衆神也得諸百靈以禦
邪氣陶甄萬類以靜爲源是知慎於調護卽以守恬
和可以保長生耳故小兒瘦疴蓋他人之過也

欽定四庫全書

顓頊經

提要

臣等謹案顓頊經二卷不著撰人名氏世亦別無傳本獨永樂大典內載其書考歷代史志自唐藝文志以上皆無此名至宋藝文志始有師巫顓頊經二卷今檢此書前有序文一篇稱王母金文黃帝得之昇天祕藏金匱名曰內經百姓莫可見之後穆王賢士師巫於崆峒山得而釋之云云

其所謂師巫與宋志相合當卽此本疑是
唐末宋初人所爲以王冰素問註第七卷
內有師氏藏之一語遂託名師巫以自神
其說耳其名顱顱者案首骨曰顱腦蓋曰
顱殆因小兒初生顱顱未合證治各別故
取以名其書首論脈候至數之法小兒與
大人不同次論受病之本與治療之術皆
極中冑緊要言不煩次論火丹證治分別
十五名目皆他書所未嘗見其論雜證亦
多祕方非後世俗醫所可及蓋必別有師

承故能精晰如此宋史方技傳載錢乙始
以顱顙經著名召至京師視長公主女疾
授翰林醫學錢乙幼科冠絕一代而其源
實出於此書亦可知其術之精矣謹據永
樂大典所載裒而輯之依宋志舊目釐爲
二卷俾不至無傳於後焉乾隆五十年二
月恭校上

中西醫學羣書總目錄

第一集 國粹部

顱顱經 二卷

唐末人著佚名

衛濟寶書 二卷

宋東軒居士撰

臟腑標本藥式 一卷

金張元素著

三消論注 一卷

金劉完素著

診家樞要 附諸脉
條辨

元滑伯仁著

痰瘧論疏 一卷

明盧之頤著

金匱鈞元 三卷

明朱震亨著

幼科要畧一卷

國朝葉天士著

溫熱論注一卷

國朝葉天士著

客塵醫話三卷

國朝計壽喬著

右國粹醫學羣書彙通第一集海昌邃志
盧陳氏彙輯其泰西醫學羣書等集俟稿
本校正續印問世本書所輯於時下坊本
所無書賈不得漁利翻印並混入陳修園
醫書中是幸

丁未春日海甯陳俠君謹識於南洋醫學社

顱顙經卷上

脈法

凡孩子三歲以下呼爲純陽元氣未散若有脈候卽
須於一寸取之不得同大人分寸其脈候未來呼之
脈來三至吸之脈來三至呼吸定息一至此爲無患
矣所言定息呼氣未出吸氣未入定息之中又至此
是和平也若以大人脈五至取之卽差矣如此七至
以上卽爲有氣或脈浮如弓之張弦此爲有風並可
依後方合藥治之或七至以下此爲冷候亦宜依後
方合藥療之或診候取平或忽而不見沈浮不定伏

益根平者此爲神鬼之病且令求崇續宜使藥或桃柳枝湯浴煎飲子爲使一兩顆桃心

孩子脈呼吸十五至以上三至以下皆死矣

病證

初生小兒鵝口撮噤並是出胎客風著顱膈致有此可以小艾炙三壯及烙之愈

初生小兒至夜啼者是有淤血腹痛夜乘陰而痛則啼
初生小兒一月內乳利如膠是母寒氣傷胃所致也
初生小兒一月內乳利如血是母胸有滯熱所作也
初生小兒一月內兩眼赤者是在胎之時母喫炙燂